



«ՍԵՎԱՆԻ Խ.ԱԲՈՎՅԱՆԻ ԱՆՎԱՆ ԱՎԱԳ ԴՊՐՈՑ»

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻԶՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022**

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆՆԵՐԻ ԲՆՈՒԹԹԸ ԱԿՍԵԼ,

ԲԱԿՈՒՆՑԻ ՊԱՏՄՎԱԾՔՆԵՐՈՒՄ

ԱՌԱՐԿԱ՝ ՀԱԹՈՑ ԼԵԶՈՒ, ՀԱՅ ԳՐԱԿԱՆՈՒԹՅՈՒՆ 9/9

ՀԵՂԻՆԱԿ՝ ՔՐԻՍՏԻՆԵ ՂՈՒԿԱՍՅԱՆ

ՈՒՍՈՒՄՆԱԿԱՆ

ՀԱՍՏԱՏՈՒԹՅՈՒՆ՝ ՃԱՄԲԱՐԱԿԻ ԱՎԱԳ ԴՊՐՈՑ

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ	3 – 7
ԳԼՈՒԽ ԱՌԱՋԻՆ	
ԳՈՅԱԿԱՆԱԿԱՆ ԱՆԴԱՍԻ ԼՐԱՑՈՒՄ ԵՐԿՐՈՐԴԱԿԱՆ ՆԱԽԱԴԱՍՈՒԹ.	8
1.1 ՈՐՈՇԻՉ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	8 - 9
1.2 ՀԱՏԿԱՑՈՒՑԻՉ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	10
1.3 ԲԱՑԱՀԱՅՏԻՉ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	10 - 11
ԳԼՈՒԽ ԵՐԿՐՈՐԴ	
ԲԱՅԱԿԱՆ ԱՆԴԱՍԻ ԼՐԱՑՈՒՄ ԵՐԿՐՈՐԴԱԿԱՆ ՆԱԽԱԴԱՍՈՒԹ.	12
2.1 ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	12
Ա. ՈՒՂԻՂ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	13-14
Բ. ՀՆԱԳՄԱՆ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	14
Գ. ԱՆՋԱՏՄԱՆ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	14-15
Դ. ՄԻՋՈՑԻ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	15
Ե. ՎԵՐԱԲԵՐՈՒԹՅԱՆ ԽՆԴԻՐ ՍՏՈՐԱԴԱՍ	
ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ	15 - 16
2.2 ՊԱՐԱԳԱ ՍՏՈՐԱԴԱՍ	
ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ	16
Ա. ՏԵՂԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	16-18
Բ. ԺԱՄԱՆԱԿԻ ՊԱՐԱԳԱ ՍՏՈՐԱԴԱՍ	
ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ	18 - 20
Գ. ՊԱՏՃԱՌԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	20
Դ. ՀԻՄՈՒՆՔԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	21
Ե. ՆՊԱՏԱԿԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	21-22
Զ. ՊԱՅՄԱՆԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	22 - 23
Է. ԶԻՋՄԱՆ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	23
Ը. ՁԵՎԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	24
Թ. ՉԱՓԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ	
ԿԱՊԱԿՑՈՒԹՅՈՒՆ	25
ԵԶՐԱԿԱՑՈՒԹՅՈՒՆ	26-28

ՆԵՐԱԾՈՒԹՅՈՒՆ

Բարդ նախադասության բաղադրիչ պարզ նախադասություններից մեկը ամբողջ բարդ նախադասության կառուցվածքային կենտրոնն է, գերադաս մասը, իսկ մյուսը գտնվում է նրանից շարահյուսական կախվածության մեջ՝ կատարելով առաջինի որևէ անդամի շարահյուսական պատճանը կամ լրացնելով ամբողջ գերադաս մասին: Այսպիսի նախադասությունները կոչվում են բարդ ստորադասական:

«Բարդ ստորադասական նախադասության գերադաս մասը ֆերականագիտության մեջ կոչվում է գլխավոր նախադասություն, իսկ շարահյուսորեն նրանից կախվածության մեջ գտնվող, նրան ստորադասված մասը՝ երկրորդական նախադասություն¹»: Այսինքն՝ բարդ ստորադասական նախադասության անմիջական կազմիչ նախադասությունները կապված են ստորադասական հարաբերությամբ: Բարդ ստորադասական նախադասության բաղադրիչների ֆերականական ու իմաստային կապն ավելի սերտ է, քան համադասական նախադասության բաղադրիչներինը: Այդ սերտությունը գուցակցվում է ստորադաս նախադասությունների, մասամբ էլ՝ գլխավոր նախադասությունների ինֆնուրոյնության պակասով: Օրինակ՝ Հաբուսը գիտեր, որ **հայրը խոնարհ մարդ է...** (Ա.Բե 35) Բերված բարդ ստորադասական նախադասության մեջ հիմնական բովանդակությունն արտահայտված է երկրորդական նախադասությամբ, իսկ գլխավորը, որը թեև ֆերականորեն գերադաս է, ըստ էության ձևական միջոց է դարձել:

«Ստորադաս նախադասությունը գերադասի հետ հիմնականում կապվում է շղկապներով, հարաբերական դերանուններով և շարահարությամբ: Այսպիսի կապակցական դերով կարող են հանդես գալ բոլոր ստորադասական շղկապներն ու հարաբերական դերանունները²»: Ստորադասական շղկապի կամ հարաբերական դերանվան առկայությունը կապակցվող բաղադրիչներից որևէ մեկում արդեն իսկ մատնանշում է ստորադաս լինելը: Շղկապներն ու հարաբերական բառերը սովորաբար դրվում են ստորադաս նախադասության սկզբում: Օրինակ՝ Ավին մինչև վերջն էլ չիմացավ, **թե ինչու չորրորդ փամփուլսը բերդանը ներս չառավ** (Ա.Բե 32):

¹Ս. Աբրահամյան, Ն. Պառնոսյան, Հ. Օհանյան, Խ. Բաղիկյան, Ժամանակակից հայոց լեզու, և.3, Երևան 1976, էջ 602

²Ս. Աբրահամյան, Վ. Առափելյան, Վ. Քոչյան, Հայոց լեզու, II մաս, Երևան 1975, էջ 350

Սակայն ժողովրդախոսակցական ոճում կամ վերջինիս ազդեցությամբ նաև բուն գրական լեզվում կարող են շողկապից, հարաբերական բառից առաջ դրվել ստորագրաս նախադասության անդամ կամ անդամներ:

Օրինակ՝ **Գեղը չք մի մեծավոր գար**, նրանց տանը վեր կգար (ԱԲԵ 35): Թեև շողկապները միշտ հանդես են գալիս երկրորդական նախադասության կազմում, սակայն երկրորդական նախադասության անդամ չեն. նրանք գուրկ են նյութական բովանդակությունից և ցույց են տալիս միայն ֆերականական հարաբերություններ:

Ստորագրաս և գերագրաս նախադասությունների շողկապավոր կապակցության մեջ մեծ դեր ունեն նաև հարաբերյալները, որոնք մեծ մասամբ դերանուններ են կամ անորոշ նշանակություն ունեցող բառակապակցություններ (այն, այնպիսի, այնպես, այն ժամանակ, մի բան և այլն): Օրինակ՝ Նրան այնպես թվաց, թե ֆեստե գլխարկով մարդու սպիտակ թղթերը արտացոլում են ամեն ինչ, ինչպես աղբյուրի վճիտ ջուրը (ԱԲ 10-11):

«Ի տարբերություն շողկապների՝ հարաբերական բառերը համատեղում են երկու պաշտոն. կապում են երկրորդական նախադասությունը գլխավորի հետ և միաժամանակ կատարում երկրորդական նախադասության որևէ անդամի պաշտոն՝ իրենց նյութական բովանդակությունն ստանալով գլխավոր նախադասության այն անդամներից, որոնց լրացնում են տվյալ երկրորդական նախադասությունները³»:

Օրինակ՝ Վերևում՝ ֆարանձավների առաջ, մնացին այն ձերունիները, որոնք ապրեցին «ամեն մեղմորին երանի տալով» (ԱԲԵ 268)... Բերված օրինակում որոնք հարաբերական դերանունը մի կողմից կապում է որոշիչ երկրորդական նախադասությունը գլխավորի հետ, մյուս կողմից երկրորդական նախադասության մեջ կատարում է ենթակայի պաշտոն: Հարաբերական բառը թվով համաձայնում է գլխավոր նախադասության լրացվող անդամին (... ձերունիները, որոնք ...), իսկ հոլովական ձևը ստանում է ըստ երկրորդական նախադասության մեջ կատարած շարահյուսական պաշտոնի (օրինակում հարաբերականը դրված է ուղղական հոլովով, որովհետև երկրորդական նախադասության մեջ ենթակա է):

³Ս. Աբրահամյան, Ն. Պառնապյան, Հ. Օհանյան, Խ. Բաղիկյան, Ժամանակակից հայոց լեզու, Կ.Յ, Երևան 1976, էջ 605

Այդ պատճառով գլխավոր և երկրորդական նախադասությունների կապակցությունը հարաբերական բառերով ավելի սերտ է: Գլխավոր և երկրորդական նախադասության կապակցման մյուս միջոցը շարահարությունն է: Այս դեպքում ստորադաս նախադասությունը գերադասին միանում է յուրահատուկ հնչերանգով, իմաստային հարաբերությամբ, բայերի եղանակաժամանակային ձևերի հարաբերակցությամբ, որոշ բառերի գործածությամբ և այլն: Անշարժ կապ բարդ նախադասությունները տարածված են հատկապես ժողովրդախոսակցական լեզվում, ասացվածքների, առածների մեջ: Օրինակ՝... Ավին շալակի ցախը դրեց ֆարին, նստեց մի կոճղի՝ մի ֆիչ շունչ առնելու(Ա.Բե 30):

Քանի որ առանձին գլուխ չենք հատկացրել նախադասության գլխավոր անդամների պաշտոն կատարող երկրորդական նախադասություններին, ապա հակիրճ ներկայացնենք նաև դրանց կիրառության մեծածախ արժեքը Բակունցի պատմվածքներում:

«Ենթակա երկրորդական նախադասությունը գործածվում է երկու դեպքում՝ 1)երբ գլխավոր նախադասության մեջ չկա ենթակա, 2)երբ գլխավոր նախադասության մեջ կա հարաբերյալով արտահայտված ենթակա⁴»: Օրինակ՝ ...Սաֆանին թվաց, թե նրա ձեռքը նոր ծնած հորթուկի պես վափուկ էր (Ա.Բե 109): Նրա ականջին հասավ այն, որ Ասյան խոսք տվավ նորից գյուղ գալու (Ա.Բե 113): Վերջին նախադասության մեջ թեև գլխավորում կա հարաբերյալով արտահայտված ենթակա, սակայն չունի կոնկրետ նյութական իմաստ և կարիք է զգացվում լրացնելու, բացահայտելու այն: Այստեղ արդեն երկրորդական նախադասությունը նյութական բովանդակություն տալուց բացի հենց ինքն էլ գլխավոր նախադասության ենթական է:

Ենթակա երկրորդական նախադասության կապը գերադասի հետ իրացվում է **որ, թե** ստորադասական շարկապներով և **ով, որ, ինչ** հարաբերական դերանուններով: Օրինակ՝ Պառայի մտքովն անցավ, **որ առիթը հարմար է ավելի որոշ ակնարկելու նրա մասին (Ա.Բե 197):** ... Սիմոնին թվաց, թե իրենց տնին տանում

⁴Ս. Աբրահամյան, Վ. Առաքելյան, Վ. Քոչյան, Հայոց լեզու, II մաս, Երևան 1975, էջ 357

են ոչ թե մի ձի, այլ իր եղբորը (ԱԲԵ 216)... Ով հայրենի ֆանապարհով հասնում էր այն ծանոթ կետին, ... շողժողում էին ֆաղափի տներն ապակեպատ պատռվածները, թիթեղյա կտուրները, ով հասնում էր այդ կետին, ահով էր նայում ներքև (ԱԲԵ 222): Այս նախադասության մեջ Բակունցը ենթակա ստորագրա նախադասության ռեակտիվ կիրառության շնորհիվ նկարագրության միջոցով բացահայտել է գլխավոր նախադասության գործողությունը կատարողին: Ենթակա ստորագրա նախադասությունը գլխավորին կարող է կապակցվել նաև երբ հարաբերական դերանունով: Օրինակ՝ Տխուր ժամ էր, երբ Սիմոնը դռնից հանեց ձին (ԱԲԵ 216):

«Ստորագրելի ստորագրա նախադասությունը վախարհում է գերադաս նախադասության բաղադրյալ ստորագրալի՝ ձևական ստորագրելիական վերադրին՝ ցույց տալով գործողություն, դրություն, վիճակ, որոնք իբրև հատկանիշ վերագրվում են գերադաս նախադասության ենթակային⁵»: Ստորագրելի երկրորդական նախադասությունը գերադասին կապակցվում է որ, թե, շողկապներով և ով, ինչ, որ(ը), ինչպես, ինչքան, ինչպիսին և այլ հարաբերական բառերով, իսկ որպես հարաբերյալ կարող են գործածվել նա, այն, այնպես և այլ ցուցական դերանուններ: Օրինակ՝ Երբ մահակներով կռիվ էին տալիս Միրանի տափի համար, այնպես էր պատահում, որ մի տարի Մրոցն էր հաղթում, հաջորդ տարին՝ Միրը (ԱԲԵ 66)... Հետաքրքիրն այն էր, որ մտառ կանգնած հարևանն էլ չէր հավատում նրա ասածին (ԱԲԵ 68):

Հաննարեղ գրողի ստեղծագործության լեզվի մասին գրվել են մի շարք աշխատություններ, սակայն նրա ստեղծագործության լեզուն այնքան հարուստ է ու բազմաբարձր, որ անընդհատ կարելի է վեր հանել նոր նրբերանգներ ու իրողություններ: Բակունցի պատմվածքներում իշխող է բարդ նախադասությունը, լեզվական այդ կառույցը նպաստում է բակունցյան ոճի ձևավորմանը: Թեպետ բարդ ստորագրասական նախադասությունները բավականին մեծ թիվ են կազմում Բակունցի պատմվածքներում, սակայն դրանք միաձուլվում են հեղինակի ոճին՝ բնավ խրթին ու խոնաված չդարձնելով այն, որովհետև կառուցվածքով դարձանալի են, բակունցյան հատուկ դրուստ ունեն և մտաչելի են: Ավելին՝ ստորագրասական

⁵ Մ. Միրումյան, Հայոց լեզու, Երևանի համալսարան, Երևան 2013, էջ 146 6

նախադասություններն ավելի դիպուկ, պատկերավոր ու արտահայտիչ են դարձնում Բաղուցի խոսքը՝ հնարավորություն ընձեռելով թափանցելու հերոսների ներաշխարհ: Բարդ նախադասությունների գործածության շնորհիվ Բաղուցը կարողացել է ստեղծել նաև բնանկարներ, որոնք անկրկնելի ու ինքնատիպ գեղարվեստական պատկերներ են, որոնցում բառերը հուզական լիցք, գույն ու բույր ունեն: Քանի սերունդ է ապրել Բասուտա գետի մոտ, կարկատած թաղիֆներ փռել ցեխերի վրա, եղեգնով պատել վրանները, և ամեն գարնան, **երբ Կաֆավաբերդի լանջին բացվել է ալպիական մանուշակը**, այժ ու ոչխար ֆեղ են բերդի լանջերը, պարկը պանրով լցրել ու ձմեռը կրծել կորեկ հաց և այծի պանիր (ԱԲ 4):

Բաղուցի արձակը հարուստ է նաև հոգեբանությամբ և կենսափիլիսոփայությամբ: Նա երկրորդական նախադասությունների դիպուկ գործածությամբ կարողացել է թափանցել հասարակական և ազգային հոգեբանության մեջ: Հոգեբանի դիտողականությամբ և խոսքի ուժով գծագրում է ջրվորի կերպարը, ապա ստեղծում Սասնա թանձր մթնոլորտ և ներկայացնում Հագրոյի էպիկական կերպարը: Ես լսում եմ, **թե ինչպես առվի ավազի մեջ զրնգում է նրա ծանր բահը**, արևը լուսավորում է բահը և թվում է, **թե ջրվորի ուսին բռնկված ջահ է: ... Ինչքան մոտենում է ջրվորը, այնքան ավելի բարձրահասակ է երևում**: Ես նայում եմ նրա բաց կրծքին, թվում է, **թե նրա ձայնը պիտի խրոխտ թնդա**: (ԱԲԵ 144):

Նա թափանցում է անտեսանելի, աներևույթ բայց մեծ մի աշխարհ՝ դուրս հանելով այնտեղից բազում գեղեցկություններ: Անչափ սիրում է իր երկրի բնությունը, հողը, կապված է հասարակ մարդկանց ու գյուղական տարերֆին:

ԳԼՈՒԽ ԱՌԱՋԻՆ

ԳՈՅԱԿԱՆԱԿԱՆ ԱՆԴԱՄԻ ԼՐԱՑՈՒՄ ԵՐԿՐՈՐԴԱԿԱՆ

ՆԱԽԱԴԱՍՈՒԹՅՈՒՆՆԵՐ

Գլխավոր նախագաստության գոյականական անդամին լրացնում են որոշիչ, հատկացուցիչ, բացահայտիչ

երկրորդական նախագաստությունները:

1.1 ՈՐՈՇԻՉ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Որոշիչ երկրորդական նախագաստությունը լրացնում է գլխավոր նախագաստության գոյականական անդամին և այն բնութագրում է այս կամ այն տեսակետից՝ որակի, չափի և այլն:

Շատ հարուստ են որոշիչ երկրորդականների կապակցության միջոցները: Որպես այդպիսի հիմնականում օգտագործվում են հարաբերական դերանունները, որոնցից առավելապես տարածված է **որ** – ը: Այս դատարկ տուփը ձեռքին՝ նա վազեց երեխաների մոտ՝ նրանց ցույց տալու սպիտակ թիթեղյա տուփը, **որ** չտեսած նորություն էր այդ ֆարսիների համար: Օգտագործվում են նաև **ով, ինչ, ուր, որտեղ, ինչպիսի, որպիսի, ինչպես, որքան, ինչքան** հարաբերականները: Աշխարհը նրա համար ընդարձակ թանգարան էր, **ուր** չկար ոչինչ կենդանի և ոչ մի բզեզ: Շաղկապներից կիրառվում են **որ, թե, երբ, որպեսզի, ինչպես** նաև **ասես (թե), կարծես (թե)** շաղկապական բառերը: Որպես հարաբերյալներ՝ գերազանցապես օգտագործվում են **այն, այնպիսի** ցուցական, երբեմն նաև **նույն, նույնպիսի, այնքան, նույնքան** դերանունները, որոնցից վերջին երկուսը նշում են առարկայի ֆանակական հատկանիշ:

Հարաբերական որոշիչ երկրորդականները առարկայի բնորոշումը տարբեր երանգներով են ներկայացնում՝ տարբեր դերանունների օգտագործմամբ: Օրինակ՝ **նույնպիսի** հարաբերյալը էլ ավելի է 8

ժեշտում նկրագրվող որակական հատկանիշի նույնությունը: Կարելի էր առավուտ կանուխ գետից ջուր վերցնելով խմել **նույնպիսի** մաքուր և սառը ջուր, **ինչպիսին** վերի գուղն էր խմում (Ա.Բե 67):

Այնպիսի – որ (դերանուն) կապակցական կաղապարով երկրորդականը առարկայի որակական բնորոշումը ներկայացնում է հետևանքի երանգով: ... Մրոցում **այնպիսի** մարդիկ կային, **որոնք** ամբողջ Միրի չափ ոչխար ունեին (Ա.Բե 67):

Գիտենք, որ Բակունցը խոսքի հմուտ վարպետ է: Նրա գեղարվեստական պատումում զգալի է բարդ ստորադասական նախադասությունների թիվը: Նշենք նաև, որ կան ստեղծագործություններ, որոնք կարծես միտումնավոր հագեցած լինեն նույնաբնույթ բարդ ստորադասական նախադասություններով: Նմանատիպ ոճական դրսևորմամբ նույնպես առանձնանում է բակունցյան խոսքարվեստը: Եթե <<Ալպիական մանուշակ>> - ում գերակշռում են ժամանակի պարագա ստորադաս նախադասությունները, ապա <<Միրանի տափ>> - ում գեղարվեստականությունն ընդգծում է հարաբերական որոշիչ երկրորդականներով: Որոշիչ երկրորդական նախադասությամբ բարդ ստորադասական կառույցները ըստ գերադաս և ստորադաս նախադասությունների վիճակապակցության բնույթի լինում են **անմասնատունակ և մասնատունակ**: **Անմասնատունակ** կառույցներում երկրորդական նախադասության գործածությունը պարտադիր է, քանի որ գլխավորի գոյականով արտահայտված որոշյալը կարիք ունի որևէ տարբերակիչ հատկանիշով բնորոշվելու: Ֆեոդե գլխարկով մարդը կուսցավ, պոկեց մեկը և դրեց տետրի **այն** թերթի արանքը, **որի** վրա նկարված էր եռոտանին և այն բարակիբան կինը (Ա.Բ 11): «**Մասնատունակ** կառույցներում երկրորդականի գործածությունը պարտադիր չէ, քանի որ գլխավորի գոյականով արտահայտված որոշյալը խոսքային տվյալ իրադրության մեջ իր բառական նշանակությամբ արդեն բավականաչափ որոշակի է, կամ էլ արդեն իսկ բնորոշված է այլ որոշիչով: Այս դեպքում երկրորդականը ստանում է **լրացուցիչ, հավելյալ բնութագրման** նշանակություն ⁶»:

⁶ Գ. Գարեգինյան, Ժամանակակից հայոց լեզու, Երևան 1984, էջ 156-157

1.2 ՀԱՏԿԱԳՈՒՑԻՉ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

«Հատկացուցիչ երկրորդական նախադասությունները նկարագրության միջոցով ցույց են տալիս այն առարկան կամ երևույթը, որին վերաբերում, պատկանում է մի այլ առարկա կամ երևույթ՝ դրսևորված գլխավոր նախադասության որևէ գոյականական անդամով»⁷:

Հատկացուցիչ երկրորդական նախադասությունները անմիջապես չեն լրացնում հատկացյալին, այլ նյութական բովանդակություն են տալիս գլխավոր նախադասության հատկացուցչին՝ հարաբերյալին: Իսկ որպես հարաբերյալ հանդես է գալիս միայն **նա** անձական դերանունը՝ դրված եզակի կամ հոգնակի թվով: Երկրորդական նախադասությունը գլխավորին միանում է **ով** հարաբերական դերանվամբ: Օրինակ՝ Սա նրա **տունն է, ով** Ծիրանի տափից շատ հեռու է ապրում*:

Որպես կանոն՝ հատկացուցիչ երկրորդականը լինում է վերջադաս, սակայն կարող է կիրառվել նաև առաջադաս կամ միջադաս: Օրինակ՝ ... **Ով չտանի**, թագավորի հրամանով **նրա տունը**, տեղը, է՛ - հե~ - հե~յ (ԱԲԵ 213)... Հատկացուցիչ երկրորդականով բարդ ստորադասական նախադասությունների գործածության հանրաձայնությունը այնքան էլ մեծ չէ:

1.3 ԲԱՑԱՀԱՅՏԻՉ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Բացահայտիչ ստորադաս նախադասությունը բացահայտում է գերադաս նախադասության գոյականական անդամի կամ անձնանիւք դերանվան (բացահայտյալի) ով կամ ինչ լինելը: Օրինակ՝ **Դուք, որ ձեր ամբողջ կարողությունն ու եռանդը նվիրել եք այդ մեծ գործին**, արժանի եք ամենաջերմ վերաբերմունքի և ուշադրության(ԱԲԵ 131):

⁷Ս. Աբրահամյան, Ն. Պառնապյան, Հ. Օհանյան, Խ. Բաղիկյան, Ժամանակակից հայոց լեզու, Խ.Յ.Երևան 1976, էջ 648

*Համապատասխան հատկացուցիչ երկրորդական նախադասություն չգտնելու պատճառով գրել ենք մեր օրինակը:

«Բացահայտիչ ստորագրած նախագրությունը հաճախ շփոթվում է որոշիչ ստորագրած նախագրության հետ: Տարբերակելու համար պետք է նկատի ունենալ, որ բացահայտիչը առարկայական բնույթի լրացում է, որոշիչը՝ հատկանշային⁸»: Օրինակ՝ **Նկողները, որ հիմնականում երիտասարդ կանայք էին**, գոգնոցները ֆաբեցին դեմքերին և այդպես փախան (ԱԲՆ 205):

Ինչպես հատկացուցիչ, այնպես էլ բացահայտիչ երկրորդականներով բարդ ստորագրատական նախագրությունների գործածության հաճախականությունն այնքան էլ մեծ չէ: Անհամեմատ ավելի են տարածված որոշիչ երկրորդականով կառույցները:

Բացահայտիչ ստորագրած նախագրությունները գերադասին անճաղկապ կապակցությամբ չեն միանում:

⁸ Մ. Միրամյան, Հայոց լեզու, Շարահյուսություն, Երևան 2013, էջ 153

ԳԼՈՒԽ ԵՐԿՐՈՐԴ

ԲԱՅԱԿԱՆ ԱՆԴԱՄԻ ԼՐԱՑՈՒՄ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆՆԵՐ

«Բայական անդամի լրացում ստորագաս նախադասությունները լրացնում են գերագաս նախադասության բայով արտահայտված կամ բայական բաղադրիչ ունեցող անդամին⁹»:

Բայական անդամի լրացում ստորագաս նախադասությունները լինում են երկու տեսակ՝ խնդիրներ և պարագաներ:

1. Խնդիր երկրորդական նախադասությունները կատարում են նույն պատճենները, ինչ նախադասության պարզ խնդիրները, այսինքն՝ կարող են լինել ուղիղ, հանգման, միջոցի, վերաբերության և այլն:

2. Պարագայական երկրորդական նախադասությունները նույնպես կատարում են նույն պատճենները, ինչ նախադասության պարագաները: Կարող են լինել տեղի, ժամանակի, ձևի, չափի և այլն:

2.1 ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Խնդիր երկրորդականները լրացնում են գլխավոր նախադասության խնդրառու բառերին, որոնց իմաստի բացահայտման համար անհրաժեշտ խնդիրը կա՛մ բացակա է լինում գլխավորում, կա՛մ էլ արտահայտված է լինում հարաբերյալով:

«Խնդիր երկրորդականով բարդ ստորագասական նախադասությունները իրենց կառուցվածքային հարկանիքներով գրեթե չեն տարբերվում ենթակա երկրորդականով կառույցներից. նույնն են կապակցության միջոցները՝ շաղկապները, հարաբերական դերանունները և հարաբերյալները¹⁰»...

⁹Մ. Միրունյան, Հայոց լեզու, Ծարակուսություն, Երևան 2013, էջ 156

¹⁰Գ. Գարեգինյան, Ժամանակակից հայոց լեզու, Երևան 1984, էջ 181

Ա. ՈՒՂԻՂ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Ներգործական սեռի բայերը ցույց են տալիս գործողություն, որի կատարման համար պահանջվում է այնպիսի առարկա, որն անմիջաբար իր վրա կրի, կամ որին անցնի գործողությունը: Հաճախ գործողության օբյեկտը ոչ թե առարկա է, այլ որևէ եղելություն, դրություն, երևույթ և այլն: Ահա այս դեպքում ուղիղ խնդրի պաշտոնով հանդես են գալիս մեծ մասամբ երկրորդական նախադասությունները:

«Այսպիսով՝ ուղիղ խնդիր երկրորդական նախադասությունները դրվում են գլխավոր նախադասության ներգործական սեռի բայ – ստորոցյալի կամ դերբայով արտահայտված այլ անդամի սեռի պահանջով և նկարագրում, ցույց են տալիս այն երևույթը, դրությունը, գործողությունը և այլն, որն անմիջաբար անցնում է սվյալ բայի գործողությանը¹¹»: Մոխրի մեջ խաղացող երեխաները տեսան, **թե ինչպես շները հարձակվեցին ձիավորների վրա (ԱԲ 5):**

Գլխավորին միանում են **որ, թե** շաղկապներով: Նրան թվաց, **թե օձը խայթեց ակնոցավոր մարդուն (ԱԲ 6):** Իսանանց տանուտեր ասպերն ասում էր, **որ կոիվը օգուտ է ժողովրդին, որ ոռւսի թագավորի թախտը հաստատ է, ժողովուրդը շատ և որ շուտով Գերմանի թագավորը հաղթվելու է (ԱԲԵ 37):** Այս նախադասությունը բազմաբաղադրիչ բարդ ստորադասական նախադասություն է, ուր առկա է երկրորդականների համաստրադասում: Երբ գլխավոր նախադասության գործողության օբյեկտը, որը նկարագրվում է երկրորդական նախադասության մեջ, անձ է, որպես կապակցության միջոց գործածվում են **ով (ով որ)**, երբեմն նաև **որ** հարաբերականները, որոնք ևս երկրորդական նախադասությանը տալիս են ընդհանուր – անորոշ նշանակություն: Այս դեպքում գլխավոր նախադասության մեջ առկա է լինում հարաբերյալ: Որպես այդպիսին հանդես են գալիս **նրան, նրանց, ամեն մեկին, բոլորին** դերանունները: Հաբուսը ժպտում էր հոր միամտության վրա, մտաբերում Իսանանց տղոցը, պիսիբին և **նրանց, որոնք հեռավոր դիրքերում կռվում են, ոտ ու ձեռից զրկվում, ցրտից սառչում, թագավորից խաչ ստանում (ԱԲԵ 38):**

¹¹Ս. Աբրահամյան, Ն. Պառնապյան, Հ. Օհանյան, Խ. Բաղիկյան, Ժամանակակից հայոց լեզու, հ.3, Երևան 1976, էջ 655

Ուղիղ խնդիր երկրորդական նախադասությունները սովորաբար դրվում են լրացվող բառից հետո և այդ պատճառով մեծ մասամբ լինում են վերջադաս կամ միջադաս: Ոչ միայն զգեստից, այլև ձի նստելուց երևում էր, որ առաջին երկու ձիավորը ֆաղափի մարդիկ են (ԱԲ 4)...Մայրն ուզում էր, որ նա գնա գյուղական գրագիր դառնա կամ ծառայի պրիստավի մոտ, իսկ Բադին արհեստի էր կողմնակից (ԱԲԵ 36):

Բ. ՀԱՆԳՄԱՆ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

«Հանգման խնդիր ստորադաս նախադասությունը ցույց է տալիս որևէ առարկա, երևույթ կամ գործողություն, որին հանգում է գերադաս նախադասության լրացյալ բայի արտահայտած գործողությունը¹²»:

Հանգման խնդիր ստորադաս նախադասությունները միանում են գլխավորին որ և թե շաղկապներով: Պիտի մեծանային և սպասելին, որ թևավոր մի տղա առներ առաջնակին, հետո միջնակին, փոքրին (ԱԲԵ 50): Հանգման խնդիր ստորադաս նախադասությունները գերադասին միանում են նաև ով, ինչ, որ(ը) հարաբերականներով: Օրինակ՝ Երեկոյան դարձյալ հանդիպեցին նրան, ով նույն ճանապարհով վրանների կողմն էր բարձրանում (ԱԲԵ 98):

Հանգման խնդիր ստորադաս նախադասությունն ունենում է վերջադաս շարադասություն: Օրինակ՝ Տղան սունկը կերավ և աչքերը սևեռեց կոնսեվի փայլուն տուփին, սպասելով, որ դատարկեն (ԱԲԵ 9):

Գ. ԱՆՋԱՏՄԱՆ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Անջատման խնդիր երկրորդական նախադասությունը ցույց է տալիս երևույթ, առարկա, որից սկզբնավորվում է գլխավոր նախադասությամբ արտահայտված գործողությունը կամ անջատվում է մի բան:

¹²Մ. Միրումյան, Հայոց լեզու, Երևան 2013, էջ 159

«Անջատման խնդիր երկրորդական նախադասությունը գլխավորին կապակցվում է **ով, որ(ը), ինչ** հարաբերականներով, **որ, թե** շողկապներով: Այսպիսի կապակցության գլխավոր նախադասության մեջ կարող է գործածվել հարաբերյալ կամ չգործածվել: Որպես հարաբերյալ գործածվում են հետևյալ դերանուններն ու դերանվանական կապակցությունները՝ դրված բացառական հոլովով. **նրանից, բոլորից, ամենից, ամեն ինչից, այն բանից, այն ամենից**¹³»: Ես պատմությունը սկսեցի **այն բանից, թե ինչպես եմ տարիներ առաջ այս գյուղ եկել (Ա.Բե 116)**: Անջատման խնդիր ստորագաս նախադասությունը սովորաբար լինում է վերջադաս:

Դ. ՄԻՋՈՑԻ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

«Միջոցի խնդրի շարահյուսական պատճեն կատարող երկրորդական նախադասությունները նկրագրում են այն գործողությունը, երևույթը կամ եղելությունը, որի օգնությամբ կամ որի միջոցով կատարվում է գլխավորի գործողությունը¹⁴»: Միջոցի խնդիր ստորագասական նախադասությունները գլխավորին միանում են **որ, թե** շողկապներով, երբեմն էլ՝ **ինչ, (ինչ որ)** հարաբերականով և ունենում են վերջադաս կամ միջադաս շարադասություն: Գլխավոր նախադասության մեջ հանդես են գալիս **նրանով, այն բանով** հարաբերյալները, որոնց նյութական բովանդակություն են տալիս երկրորդական նախադասությունները: Միշտ հպարտանում է **նրանցով, ովքեր** գտնվում են առաջին շարքերում(Ա.Բե 100):

Ե. ՎԵՐԱԲԵՐՈՒԹՅԱՆ ԽՆԴԻՐ ՍՏՈՐԱԴԱՍ ՆԱԽԱԴԱՍՈՒԹՅԱՄԲ

ԿԱՊԱԿՑՈՒԹՅՈՒՆ

«Վերաբերության խնդիր ստորագաս նախադասությունը ցույց է տալիս այն առարկան կամ

¹³Ս. Աբրահամյան, Վ. Առաքելյան, Վ. Քոսյան, Հայոց լեզու, Շարահյուսություն, Երևան 1975, էջ 382

¹⁴Ս. Աբրահամյան, Ն. Պառնապետյան, Հ. Օհանյան, Խ. Բաղդիկյան, Ժամանակակից հայոց լեզու, հ.3, Երևան 1976, էջ 669

երևույթը, որին վերաբերում է գերադաս նախագասության բայ – լրացյալի արտահայտած գործողությունը¹⁵»։ Վերաբերության երկրորդական նախագասությունները միանում են գլխավորին **որ** և **թե** շաղկապներով։ Երբեմն գրուցում էին, **թե ինչ արեեստի դնեն Հաբուդին (ԱԲԵ 35)**։ Գլխավոր նախագասության մեջ նրանց կարող են համապատասխանել **այն մասին** կամ **նրա մասին** հարաբերյալները, որոնք մի կողմից օժանդակում են գլխավոր և երկրորդական նախագասությունների կապի ուժեղացմանը, մյուս կողմից ավելի որոշակի են դարձնում երկրորդական նախագասության բնույթը՝ տարբերակելով այն ուղիղ խնդիր երկրորդական նախագասություններից։ Խոսք էրավ և **այն մասին, որ** գյուղում բանտարկյալ չկա (ԱԲԵ 272)։

2.2 ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

«Պարագա ստորագաս նախագասությունները ցույց են տալիս գերադաս նախագասության բայական անդամի կատարած գործողության հանգամանքները և հատկանիշները։

Գործողության հանգամանքային հարաբերություններ են արտահայտում տեղի, ժամանակի, նպատակի, պատճառի, հիմունքի, պայմանի, գիջման և հետևանքի, իսկ հատկանշային հարաբերություններ՝ ձևի և չափի պարագա ստորագաս նախագասությունները¹⁶»։

Նշենք, որ Բակունցի որոշ ստեղծագործություններում հիմնականում հանդիպում ենք տեղի, ժամանակի, նպատակի, պատճառի, պայմանի, ձևի և չափի պարագա ստորագաս նախագասությունների հանախակի կիրառության։ Թերևս նման մոտեցմամբ է կարողացել ստեղծագործություններից շատերի սյուժեն կառուցել հին ու նոր կյանքի հակադրությամբ՝ տալով ոչ միայն գյուղաշխարհի գեղեցկությունն ու հմայքը, այլև կոլորիտը։ Նախագասությունների դիպուկ գործածության շնորհիվ մենք տեսնում ենք, որ բակունցյան հերոսներն իրոք գյուղի հասարակ մարդիկ են՝ իրենց սովորական կենցաղով, հոգսերով և մշտական ցավերով։

¹⁵Մ. Միրումյան, Հայոց լեզու, Շարահյուսություն, Երևան 2013, էջ 163

¹⁶Մ. Միրումյան, Հայոց լեզու, Շարահյուսություն, Երևան 2013, էջ 165

Ա. ՏԵՂԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Տեղի պարագա երկրորդական նախադասությունները ցույց են տալիս գլխավոր նախադասության բայ – ստորոցյալի գործողության տեղը:

Տեղի պարագաները կարող են դասակարգվել հետևյալ տարածական հարաբերությունները.

ա) այն տեղը, որտեղից սկսվում է գլխավոր նախադասության գործողությունը

բ) այն տեղը, որտեղ կատարվում, տեղի է ունենում գործողությունը

գ) այն տեղը, դեպի որն ուղղված է գլխավոր նախադասության գործողությունը

դ) այն տեղը, որի միջով, վրայով կատարվում է գործողությունը:

Տեղի պարագա երկրորդական նախադասությունները չպետք է շփոթվեն տեղի իմաստային երանգ ունեցող որոշիչ երկրորդական նախադասությունների հետ: Վերջիններս գործածվում են, երբ գլխավոր նախադասության մեջ կա գոյականով արտահայտված տեղի պարագա, սակայն անհրաժեշտ է պատկերացումն ավելի կոնկրետ դարձնել: Նա հասավ մի փոփոխ **բարձրության, որտեղ ծառերը շրջապատել էին ինչ – որ ավերակի (ԱԲԵ 547):**

«Ի տարբերություն այս տիպի որոշիչ երկրորդական նախադասությունների՝ տեղի պարագա երկրորդական նախադասությունները դրվում են այնպիսի գլխավոր նախադասությունների մոտ, որոնցում նյութական ինֆնուրոյն իմաստ ունեցող խառնի մասով, հատկապես գոյականով արտահայտված տեղի պարագա սովորաբար չի լինում: Գլխավոր նախադասության մեջ կարող են առկա լինել **այնտեղ, այնտեղից, դեպի այնտեղ, այնտեղով** հարաբերյալներ, որոնք ծառայում են գլխավոր և երկրորդական նախադասությունների կապի ուժեղացմանը և նյութական բովանդակություն ստանում վերջինից¹⁷»:

¹⁷Ս. Աբրահամյան, Ն. Պառնապետ, Զ. Օհանյան, Խ. Բաղիկյան, Ժամանակակից հայոց լեզու, հ.3, Երևան 1976, էջ 673

Տեղի պարագա երկրորդական նախադասությունները գլխավորին միանում են միայն հարաբերական բառերով: Որպես կապակցության միջոց գործածվում են **ուր** և **որտեղ** հարաբերական դերանունները: Այս ապերը ... եզները պահում էր այնտեղ, **ուր հիմա սպիտակ բանտ էր** (Ա.Բե 369): Երբեմն **ուր** և **որտեղ** հարաբերականներին կցվում է նաև և համադասական շաղկապը, և երկրորդական նախադասությունը գլխավորին միանում է **ուր և, որտեղ և** բարդ շաղկապներով: Ինձ նույն օրը տեղավորեցին մի տան մեջ, **որտեղ և պիտի ապրեի**(Ա.Բե 116):

Տեղի պարագա երկրորդական նախադասություններն ունեն ազատ շարադասություն: Նրանք կարող են լինել և՛ վերջադաս, և՛ առաջադաս (ավելի հաճախ հանդիպում է առաջադաս գործածությունը): **Որտեղ քարը փխուր է, փոս է ընկել** (Ա.Բե 165):

Բ. ԺԱՄԱՆԱԿԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ

ԿԱՊԱԿՑՈՒԹՅՈՒՆ

«Ժամանակի պարագա երկրորդական նախադասությունը ցույց է տալիս գերադաս նախադասության բայական անդամի և մասնավորապես ստորոգյալի գործողության կամ եղելության ժամանակը¹⁸»:

Որպես կապակցության հիմնական միջոց այս դեպքում ևս հանդես են գալիս շաղկապներն ու հարաբերական բառերը, որոնք հենց իրենց բառային նշանակությամբ ցույց են տալիս ժամանակային հարաբերություն ` **երբ, մինչև, մինչև որ, մինչ, մինչդեռ, քանի, քանի դեռ, քանի որ, հենց, հենց որ**: Այսպես տանձ է ուտում, իրար թաթով են տալիս, թավալզուր են լինում չոր տերևների վրա, դարան մտնում, **հենց որ զգում են վայրի խոզերի մոտենալը** (Ա.Բե 29): Բացառություն է կազմում **որ** շաղկապը, որը կապակցում է գլխավոր և երկրորդական նախադասությունները՝ առանց իմաստային երանգ տալու այդ կապակցությանը: Ժամանակային հարաբերությունն այս դեպքում արտահայտվում է ֆերականական այլ միջոցներով: **Սառույցին որ հասավ**, կանգնեց ոտի, վարձեց վեր բարձրանալ(Ա.Բե 32):Այս նախադասության մեջ Բակունցը ժամանակային հարաբերությունն արտահայտել է բայ – ստորոգյալների համաձայնեցմամբ:

¹⁸Ս. Աբրահամյան, Վ. Առաքելյան, Վ. Քոսյան, Հայոց լեզու, Երևան 1975, էջ 389

Այստեղ սխալան արժեքն առանձնանում է ոչ միայն նմանօրինակ մոտեցմամբ, այլ նաև **որ** – ի միջոցառ գործածությամբ: Նմանատիպ մոտեցմամբ է նաև առանձնանում բաղադրյալ արձակի ինֆնատիպությունը:

Ժամանակի պարագա երկրորդական նախադասություն պարունակող բարդ ստորադասական նախադասությունների մեջ սովորաբար առկա է լինում երկու հիմնական տիպի ժամանակային փոխհարաբերություն.

1. համաժամանակության փոխհարաբերություն

2. ժամանակային հաջորդականության փոխհարաբերություն, որն էլ իր հերթին բաժանվում է երկու ենթատեսակի՝

ա) գլխավոր նախադասության գործողությունը հաջորդում է երկրորդական նախադասության գործողությանը

բ) գլխավոր նախադասության գործողությունը նախորդում է երկրորդական նախադասության գործողությանը:

Երբ քամին ցրում է ամպերը, ձորերում հալվում են ամպի ծվեկները (ԱԲԵ 3)...

(Համաժամանակության փոխհարաբերություն):

Հենց որ սուն էր գալիս, հանգչում էր կրակը բորբոս, հաշտվում իր գյուղում արհեստ սովորելու մտքին (ԱԲԵ 36): (Ժամանակային հաջորդականության փոխհարաբերություն՝ գլխավոր նախադասության գործողությունը հաջորդում է երկրորդական նախադասության գործողությանը):

Դեռ հորթարած էր, **երբ մայրը մեռավ** (ԱԲԵ 54)...) (Ժամանակային հաջորդականության փոխհարաբերություն՝ գլխավոր նախադասության գործողությունը նախորդում է երկրորդական նախադասության գործողությանը):

Ժամանակի պարագա ստորադաս նախադասությունները հիմնականում ունենում են նախադաս կամ վերջադաս շարադասություն: **Հենց որ բերդի պարիսպների տակ ոտնաձայն է լսվում**, նրանք կոնչյունով աղմկում են (ԱԲ 3)...) Որքան մեծ եղավ տղայի ուրախությունը, **երբ նա ստացավ երկրորդ տուփը** (ԱԲ 10):

Բակունցի ստեղծագործություններում գերակշռում են ժամանակի պարագա ստորագրա նախադասությունները: Հաճախ ենք հանդիպում նաև ընդհանրապես սակավ գործածվող ժամանակի պարագա ստորագրա նախադասությունների միջադաս գործածությանը: Օրինակ՝ Մյուս օրը, **էրբ տավարը հանդ էր տանում**, նա ուզեց իր որդու երեկվա ախոյանների կովերը ջուկի տավարից (Ա.Բե 45)... Եվ մի օր էլ, **էրբ Ղազարի Օհանը փողոցում Շահանից ուզեց Սանդուխտին իր որդու համար**, ոչ մի խոսք չասաց կտավատի կապույտ ծաղիկների մասին (Ա.Բե 51)... **Գյուղացիները էրբ ֆաղաֆ իջան**, ձիերը կապեցին հրապարակից հեռու (Ա.Բե 224): **Ցուակը գոմից էրբ դուրս եկավ**, վրնջաց և ականջները խլճեց: Այս նախադասություններում **էրբ** – ի միջադաս գործածությունը նույնպես ընդգծում է սեփական արժեքը և պատումը մոտեցնում ավելի ժողովրդախոսակցական ոճին: Ժամանակի պարագայի հաճախակի կիրառությունը թերևս նախապայման էր գեղագիտության ակունքներին ավելի մոտ լինելու, մարդկային կեցության ու բնության ակունքները որպես սկիզբ ընդունելու և այդ նախնական վիճակի հարաբերությունները բացահայտելու համար:

Գ. ՊԱՏՆԱՌԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

«Պատճառի պարագա երկրորդական նախադասությունները ցույց են տալիս գլխավոր նախադասության մեջ նկարագրված գործողության կամ երևույթի առաջացման պատճառները¹⁹»:

Պատճառի պարագա ստորագրա նախադասությունը գլխավորի հետ կապակցվում է **որովհետև, քանի որ, մանավանդ որ** շաղկապներով, սակավ դեպքերում՝ **թե** շաղկապով: Օրինակ՝ Նույնիսկ դուռ ունի, **որովհետև կինը դուռը վրա է դնում և մի բան շալկած իջնում գետի կողմը** (Ա.Բե 72): Պատճառի պարագա ստորագրա նախադասությունը գլխավորի հետ կապակցվում է նաև **որ** շաղկապով: Օրինակ՝ Դուռն մոտ Շահանը բարկացավ աղջկա վրա, **որ փեփից է բռնում ծծկերի պես** (Ա.Բե 52): Հաբուրդն ուրախ էր, **որ նա ֆաղաֆներ պիտի տեսնի, լեզու սովորի** (Ա.Բե 39): Պատճառի պարագա ստորագրա նախադասությունները ունենում են թե՛ նախադաս, թե՛ վերջապես շարադասություն: **Որովհետև այդ օրը**

¹⁹Ս. Աբրահամյան, Ն. Պատճառյան, Հ. Օհանյան, Խ. Բաղիկյան, Ժամանակակից հայոց լեզու, հ.3, Երևան 1976, էջ 719

Պանինը անտառ չպիտի գար, Ավին գերադաս համարեց մի շալակ ցախ տանել տուն (Ա.ԲԵ 30): Իսկ ցավը հետզհետե սաստկանում էր, **որովհետև Սիմոնը հուսահատ կատաղությամբ չեչափարը ֆուն էր նրա մեջքին** (Ա.ԲԵ 225):

Դ.ՀԻՄՈՒՆՔԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Հիմունքի պարագա ստորագաս նախադասությունը ցույց է տալիս գլխավոր նախադասության բայական անդամի արտահայտած գործողության կամ եղելության հիմունքը:

Հիմունքի պարագա երկրորդական նախադասությունը գլխավորի հետ կապվում է **ֆանի որ, որովհետև, որ, չէ որ, մանավանդ(որ)** շաղկապներով: Օրինակ՝ **Քանի որ թուղթը կնփված էր կնիքով,** գրված էր պատճան ձևով, նախագահը բացեց մտից մատյանը և գրեց (Ա.ԲԵ 231): Հիմունքի պարագան գլխավորի հետ երբեմն էլ կապվում է **որքան, որքանով** դերանուններով: **Որքանով մեզ հայտնի է,** այնտեղ դեպքերը ծավալվում են ցանկալի ուղղությամբ (Ա.ԲԵ 118): Այս նախադասության մեջ հիմունքի պարագան ունի նախադաս շարադասություն, սակայն ունենում է նաև վերջադաս շարադասություն:

Ե.ՆՊԱՏԱԿԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Նպատակի պարագա երկրորդական նախադասությունը ցույց է տալիս, թե ինչ նպատակով է կատարվում գլխավոր նախադասության մեջ նկարագրված գործողությունը: Պետին գնաց, **որ ջուր խմի մոտակա աղբյուրից, ցրված նախիրը հավաքի ձորի մոտ** (Ա.ԲԵ 57):

Նպատակի պարագա ստորադասական նախադասությունները հիմնականում լրացնում են ամբողջ գլխավոր նախադասությանը: Պարագայական մյուս ստորադասականներից շատերի նման ազատ լրացումներ

են, և նրանց առկայությունը կախված է ոչ թե գլխավորի ֆերականական կառուցվածքից, այլ սոսկ

հարյուրման նպատակից:

Մասնատունակ այս կառույցների բաղադրիչները գլխավորին միանում են **որպեսզի, որ** շաղկապներով: **Որ** շաղկապը տարածված է առավելապես կենդանի խոսակցական լեզվում և գեղարվեստական գրականության մեջ: Օրինակ՝ Առաջին աֆլորականչի հետ գարթնում էր Պետին, սրէիները հագնում, տան առաջ հոսող առվակի ջրից մի երկու կից անում, երեսը լվանում, փավախով սրբում ու գեղի ծայրին կանգնում, **որ կովերը դուրս անեն, ինքը սարը տանի պահելու (Ա.Բե 53):**

Նպատակի պարագա երկրորդական նախադասության ստորոգյալը դրվում է ըզծական եղանակով, որովհետև այն ցույց է տալիս դեռևս չկատարված գործողություն: Օրինակ՝ Դանակը հանեց, **որ արյուն աննի**, ականջի ծայրերից պատուեց մի ֆիչ (Ա.Բե 57):

Եթե նպատակի պարագա երկրորդական նախադասությունը կապակցվում է **որպեսզի** շաղկապով, ապա կարող է լինել թ'ե նախադաս, թ'ե միջադաս և թ'ե ետադաս: **Որպեսզի նրան չհանդիպեն**, ցրվեցին՝ ինչ – որ նեան անելով ընկերոջը (Ա.Բե 551): **Որպեսզի** շաղկապով երկրորդական նախադասությունների միջադաս գործածությունը սակավ է: Միջադաս են գործածվում այն դեպքում, երբ նրանք լրացնում են գլխավորի ոչ թե ստորոգյալին, այլ դերբայով արտահայտված այլ անդամի կամ ձևի և ժամանակի պարագաների: Օրինակ՝ Հերիֆ էր աչքն ընկներ մի դեմֆի, տեսներ գեղեցիկ մի անկյուն, մամամուպատ մի ֆար, **որպեսզի թղթի վրա մատիտով նկարեր այն**, ինչ տեսել էին նրա աչքերը (Ա.Բ 5): **Որպեսզի** շաղկապը մեծ մասամբ լինում է ետադաս: Օրինակ՝ Բժիշկն արձանագրություն կազմեց և վերադարձավ սեղանի շուրջը, **որպեսզի նույն գործ տաղտկությամբ շարունակեն գործը (Ա.Բե 228):** Սիմոնը Սաֆու տղայի հետ արդեն իջնում էր ձորակը, **որպեսզի միանա ուրիշ ձիավորների (Ա.Բե 217):**

2. ՊԱՅՄԱՆԻ ՊԱՐԱԳԱ ՍՏՈՐԱԴԱՍ ԿԱՊԱԿՑՈՒԹՅԱՄԲ ԿԱՊԱԿՑՈՒԹՅՈՒՆ

Պայմանի պարագա երկրորդական նախադասությունը ցույց է տալիս այն պայմանը, որի անկայությամբ միայն կարող է իրագործվել գլխավորում նկարագրված գործողությունը:

Պայմանի պարագա երկրորդական նախադասությունները գլխավորի հետ կապվում են **եթե, թե, որ, թե որ, երբ, միայն, միայն թե, եթե...ապա** շաղկապներով: Օրինակ՝ **Եթե** հնագետի գլխում Բակուր իշխանն էր և մատենագրի մագաղաթը, **ապա** նկարիչը հիշում էր մանուշակները (ԱԲ 7)... **Թե, թե որ, որ** շաղկապները տարածված են մասնավորապես ժողովրդախոսակցական լեզվում և գեղարվեստական գրականության մեջ: Ստորագույն բաղադրիչի կազմում այդ շաղկապները հաճախ միջադաս են դրվում, մասնավորապես երբ այդ բաղադրիչը առաջադաս է: Օրինակ՝

- Պապի, **թագավորը նամակդ որ ստանա**, ի՞նչ պիտի անի (ԱԲԵ 159):

Որ շաղկապի միջադաս գործածությամբ Բակուրը շեշտել է գյուղացի սղայի անմիջականությունը, պարզությունն ու միամտությունը:

Պայմանի երկրորդականները շարադասությամբ ազատ են, սակայն առավել տարածված է նրանց առաջադաս գործածությունը: **Եթե նանապարհին տեսներ մեկին գողացած փայտը շալակին**, Պանինի շները պիտի հարձակվեին նրա վրա (ԱԲԵ 29)... **Եթե անտառը չլինի**, սարից եկող սարից եկող հեղեղը մի գիշեր կարբի Ահարը, ֆարերով կջարդի կուժ ու խնոցի, կիսանի տուն ու մարագ (ԱԲԵ 49):

Է. ԶԻՋՄԱՆ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Զիջման պարագա երկրորդական նախադասությունները ցույց են տալիս այնպիսի գործողություն, հակառակ որի կատարվում է գլխավոր նախադասության գործողությունը:

Գերադաս նախադասության հետ կապակցվում են զիջական շաղկապներով՝ **թեև, թեկուզ, չնայած, փոխանակ** և այլն: Օրինակ՝ Բայց և այնպես նա մնում էր, **թեև** անպտուղ և առանց նոր ընձյուղների (ԱԲԵ 89):

Զիջման պարագա երկրորդական նախադասությունները շատ մոտ են ներհակական իսաս ունեցող բարդ համադասական նախադասություններին: Երկու տիպի նախադասությունների համար էլ օգտագործվում

են գուգադրական շաղկապներ՝ բաղկացած ստորագասական և համադասական շաղկապներից՝ **թեև ... բայց, չնայած ... սակայն** և այլն: Օրինակ՝ **Թեկուզ** անունը Միրանի տալի է, **բայց** և ծիրանի ոչ մի ծառ չկա այնտեղ (Ա.Բե 66): **Թեկուզ** տա՛մ թեյը վառեց մատը, **բայց** ծպտուն չհանեց (Ա.Բ 10):

Ը. ԶԵՎԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Ձևի պարագա ստորագաս նախագասությունը ցույց է տալիս գլխավոր նախագասության մեջ նկարագրված արևէ գործողության կամ իրողության ձևը:

Այս նախագասությունները միանում են գլխավորին **որ, կարծես, կարծես թե, ասես, ասես թե** շաղկապներով և շաղկապական բառերով:

Հետևանքի երանգ ունեցող ձևի պարագա երկրորդական նախագասությունները միշտ ունենում են վերջագաս շարադասություն և միանում են գլխավորին **որ** շաղկապով, արին գլխավոր նախագասության մեջ պարտադիր կերպով համապատասխանում է **այնպես** հարաբերյալը: Օրինակ՝ Մեկ էլ, թափսուցից դուրս կգար, կմոնչար **այնպես, որ արջերն էլ էին ֆնից գարթնում և մոռում** (Ա.Բե 29):

Ձևի պարագա երկրորդական նախագասությունները ավելի հաճախ ունենում են համեմատության իմաստային երանգ, այսինքն՝ ցույց են տալիս գլխավոր նախագասության գործողության կատարման ձևը՝ համեմատելով նախօրո՛ք հայտնի մի այլ գործողության հետ: Այս բնույթի ձևի պարագա երկրորդական նախագասությունները գլխավորին միանում են **ինչպես** հարաբերական բառով: Օրինակ՝ Այդ սովորույթը մնացել էր **այնպես հաստատ, ինչպես հարևան հաստաբուն ընկուզենին** (Ա.Բե 34):

Ձևի պարագա ստորագաս նախագասությունները հիմնականում գործածվում են վերջագաս շարադասությամբ: Օրինակ՝ Նա ուզում էր աշխարհ **տեսնել, ինչպես ասում էր նրա ընկերը** (Ա.Բե 36)...

Թ. ԶԱՓԻ ՊԱՐԱԳԱ ՍՏՈՐԱԴԱՍ ՆԱԽԱԴԱՍՈՒԹՅԱՄԲ ԿԱՊԱԿՑՈՒԹՅՈՒՆ

Չափի պարագա երկրորդական նախագասությունները բնույթով մոտ են ձևի պարագա

երկրորդական նախադասություններին: Եթե ձևի պարագա երկրորդական նախադասությունը ցույց է տալիս գործողության կատարման ձևը, ապա չափի պարագա երկրորդական նախադասությունը ցույց է տալիս գլխավորի գործողության դրսևորման չափը, թե ինչքան, ինչ չափով է կատարվում գործողությունը:

Չափի պարագա երկրորդական նախադասությունը գլխավորի հետ միանում է **որ, մինչև** շաղկապներով, **ինչքան, ինչչափ, որքան, որչափ, քանի,** երբեմն նաև **ինչ** հարաբերական դերանուններով: Օրինակ՝ Մի փշակի մոտ նստում էր Պանինը, **մինչև շները որսի միսն ուտեն (Ա.Բե 29):**

Գլխավոր նախադասության մեջ կարող են լինել **այնքան, այնչափ, այնքանով, այն աստիճան** հարաբերյալները, որոնք ավելի որոշակի են դարձնում ստորադասական նախադասության բնույթը և ուժեղացնում են կապը գլխավորի հետ: Օրինակ՝ Գյուղացիք **այնքան** էին վարժ նրա կանչին, **որքան** ափսոսի կանչին (**Ա.Բե 33**): Հարաբերյալների առկայությունը կիրառությունների մեծ մասում պարտադիր է, մանավանդ **որ** շաղկապի գործածության դեպքում: Այդ պատճառով էլ չափի պարագա երկրորդական նախադասությունները հիմնականում **անմասնատունակ** են: Օրինակ՝ Տարիներ շարունակ նույն հանդում ու արտում տավար պահելով նա **այնքան** էր վարժ խոտին ու ծաղիկին, **որ** անսխալ կարող էր ասել, թե որ ծաղիկն է կանուխ բացվում, որ խոտն է ցավի դեղ(**Ա.Բե 57**):

Որ շաղկապով կապակցված երկրորդականների շարադասությունը միշտ կայուն է՝ պարտադիր վերջապաս: Օրինակ՝ Տարիների ընթացքում ամեն ինչ ամեն օր կրկնվել էր **այնքան** նման իրար, **որ** շարժումները մեքենայացել էին (**Ա.Բե 34**):

Չափի պարագա ստորադաս նախադասությունները հիմնականում բաժանվում են երկու խմբի.

Ա) Չափի հարաբերությունն արտահայտվում է հետևանքի նկարագրությամբ: Օրինակ՝ Բազու որդին՝ Հաբույը, հասել էր **այնքան, որ օգնում էր հորը (Ա.Բե 34):**

Բ) Չափի հարաբերությունն արտահայտվում է համեմատության միջոցով: Օրինակ՝ Նա ձյունի վրա **նույնքան** թեթև էր ֆայլում, **ինչքան** արջը չոր տերևների վրա (**Ա.Բե 31**):

ԵԶՐԱԿԱՑՈՒԹՅՈՒՆ

Օգտվելով համապատասխան գիտական և գեղարվեստական գրականությունից, վերապատրաստումների ընթացքում ձեռք բերած գիտելիքներից և ելնելով մանկավարժական մեր փորձից՝ եկել ենք եզրակացության, որ Բակունցի գրավչություններից մեկն էլ լեզուն է՝ պարզ ու կախարհիչ: Երկրորդական նախադասությունների միահյուսու ու ներդաշնակ կապակցման շնորհիվ Բակունցը կարողանում է ներկայացնել մի աշխարհ, որը, ձուլված բնությանը, իր ներքին օրինաչափությունների մեջ կրում է բնության նախաստեղծ շունչը: Մարդը և բնությունը, մարդու կյանքը և բնության տարերքը, մարդկանց ներքին փոխհարաբերություններն ու բնության հետ սերտորեն կապված լինելու մարդկանց ձգտումը փոխանցվում է նաև ընթերցողին: Թվում է, թե այդ մոռացված մի անկյուն է այն օրերից, երբ դեռ մարդը չկար, և բրածո դինոզավրը նույնքան ազատ էր զգում իրեն, ինչպես արջը մեր օրերում (Ա.Բե 28):

Իր գրույցներից մեկում, դառնալով Մարտիրոս Սարյանին, Ավետիք Բասիկյանն ասել է. «Կոմիտասի երգերի ու ֆո գույների կապակցությամբ խոսում են իբրև այնպիսի հրաշքի մասին, որը անհնարին է արտահայտել խոսքով: Բայց, գիտե՞ս, իմ կարծիքով, դա այնքան էլ ճիշտ չէ: Հայաստանում կար մի գրող, որի բառերը երգում էին կոմիտասյան հանգով և փայլատակում էին ֆո կապակցի բոլոր գույներով: Այդ գրողը Ակսել Բակունցն է²²»: Դիպուկ է Բասիկյանի բնորոշումը, որովհետև Բակունցի ստեղծագործությունը վիթխարի, դարակազմիկ երևույթ է առհասարակ մեր գեղարվեստական մտքի պատմության մեջ:

Բակունցը կարողացավ հավատարիմ մնալ իր դավանանքին. «Ժողովրդի լեզուն պիտի հասկանա ու գրես բնության լեզվով, որ ամեն ինչ լեզու առած խոսի հոգույ հետ»: Այո՛, Բակունցը գեղարվեստական արձակում մեծ կարևորություն է տալիս ժողովրդական կենդանի խոսքին, հետևողականորեն ընտրում այն բառը, բառակապակցությունն ու նախադասությունը, որոնք կարող են արտահայտել ոչ միայն հեղինակի ու

²²Ա. Բակունց, Երկեր, Երևան-1986, էջ 3

հերոսի միտքը, այլև ցուց տալ կենցաղի մանրամասները՝ գյուղի կենցաղն ու սուօրյան, նյութական և հոգեկան ցավերի դրսևորումները: Միջավայրին հատուկ սոցիալական բևեռացումներն իրենց հերթին բերում են նաև հերոսների լեզվամտածողության բևեռացում՝ գրական լեզու, բարբառ, տեղայնացված խոսք և այլն: Նման դեպքերում Բակունցն այնպես ներդաշնակ է միահյուսում գրական ժողովրդականը բարբառային խոսքին, որ հաճախ այդ տարբերությունները չեն զգացվում: Համադրելով գրականն ու ժողովրդականը՝ նա լեզուն դարձնում է կենդանի ու պարզ, բայց ոչ երբեք պարզունակ:

Բակունցը գրական լեզվի զարգացման ընթացքին համահունչ շարունակ մշակել, հղկել ու բյուրեղացրել է մայրենի լեզուն: Զուր չէ, որ Բակունցի գեղարվեստական արձակի լեզուն համարում են բանաստեղծական լեզու, և դա ամենասովորական ընթերցողն էլ նկատում է:

Նախագասությունների ընտրությունը և կիրառումը սրբակիրթն պայմանավորված են նաև նյութի պահանջներով, ինչպես նաև գրական երկի ժանրային բնույթով: Լեզուն Բակունցի մոտ նաև հոգեբանություն է, հոգեվիճակ արտահայտելու միջոց: Նրա յուրաքանչյուր հերոսի ներաշխարհում կուտակված հոգսը, մտահոգությունը, տխրությունն ու ուրախությունը արտահայտվում և արտացոլվում են յուրովի՝ հաճի առնելով հերոսներից յուրաքանչյուրի ինքնահատուկ լեզվամտածողությունը:

Բակունցի ստեղծագործությունների շարքում կան այնպիսի գործեր, որոնցում հերոսը խոսում է իր պատմաշխարհի բարբառով: Հիշենք «Ծիրանի փողը» պատմվածքի հերոս Հագրոյին: Առանց Հագրոյի կոլորիտային բարբառի անհնար է ներկայացնել նրա կերպարի ինքնատիպությունը, մտորումներն ու խոհերը, հեռվում մնացած հայրենիքի և հարազատների կարոտը: «Մըր բախտ կապած ենք գդալ ջրի...Մըր հողեր լե ցրվուկ: Է՛հ, հացի տեղ արուն շատ կերանք: **Հիմա որ սերմ թալինք, սերմ վերունք**, էլի գոհություն (ԱԲԵ 127)»: Հագրոյին եթե փորձեր Բակունցը խոսեցնել գրական լեզվով, հերոսի բնական, անխառը կերպարն ամբողջական չէր լինի:

Երբ թերթում էի Բակունցի բազմիցս կարդացած ստեղծագործությունների էջերը, որպեսզի դուրս

գրեի երկրորդական նախադասությունները, հաճախ մոռանում էի իմ բուն անելիքը և կրկին միանում Դիլան դայու և Սոնայի մարդկային նուրբ զգացումների ու խոր ապրումների սիրո գեղեցիկ պատմությանը, Խոնարհ աղջկա լուռ համակրանքին և Հագրոյի կյանքի սղբերգական պատմությանը:

Բակունցի լեզվում իշխող են բարդ նախադասությունները, մասնավորապես՝ բազմաբաղադրիչ ստորադասական կառույցները: Սակայն դրանք բոլորովին էլ խրթին չեն դարձնում Բակունցի լեզուն, բոլորովին չեն ստեղծում ուրիշ խոնարհ, անգամ համահունչ են հեղինակի խոսքի պարզությանը: Ընդհակառակը՝ բազմաբաղադրիչ բարդ ստորադասական նախադասությունները նպաստում են, որ բակունցյան պատկերներն ավելի ցայտուն ու սպավորիչ դառնան, և ընթերցողը բնավ չի գգում բազմաստիճան այդ կառույցների ծանրությունը: Ահա մի ցայտուն օրինակ՝ Նայում ես և չես կարողանում որոշել՝ ծեր է Ավին, թե դեռ երիտասարդ, որտեղից է գալիս նրա ձայնը, գուցե մարդ չէ, այլ խրովիլակ, գուցե չուխայի տակ կմախֆ է և ոչ միս ու մարմին (ԱԲԵ 32):

Բակունցը կենսական ավիշի շնորհիվ գրավում է ընթերցողին, բակունցյան սեռով կառուցված բարդ երկրորդական նախադասությունների միջոցով գեղեցիկ շղարհի ետևում կարողանում է ցույց տալ իրեն բնորոշ կենսափիլիսոփայությունը, գեղեցիկի ըմբռնումը, մարդկային երջանկությունը և անսահման սերը հայրենի բնության նկատմամբ:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Աբրահամյան Ս., Առաքելյան Վ., Քոսյան Վ., Հայոց լեզու, II մաս, Երևան 1975 (էջ 348 - 418)
2. Աբրահամյան Ս., Պառնասյան Ն., Օհանյան Հ., Բաղիկյան Խ., Ժամանակակից հայոց լեզու, հ.3, Երևան 1976 (էջ 602 - 761)
3. Բակունց Ա., Ալպիական մանուշակ, Երևան 1969 (էջ 3 - 127)
4. Բակունց Ա., Երկեր, Երևան-1986 (էջ 3 - 550)
5. Գարեգինյան Գ., Ժամանակակից հայոց լեզու, Երևան 1984 (էջ 77 - 275)
6. Միրումյան Մ., Հայոց լեզու, Ծարակյուսուրթյուն, Երևան 2013 (էջ 138 - 193)